

箕
村
詩
集

91037
=3



篁村集卷七

上海陸錫熊耳山撰

古今體詩二十七首

陪瑤華主人遊盤山千相寺分韻得亭字二十韻

疊磴趨中谷連山拱翠屏客來扶棧度騎轉隔橋停石
壓蹲蛟勢松盤舞鶴形繁花遲潑雨絕澗想奔霆蟻道
方緣埵獅林忽建瓴雙竿承寶刹兩扇豁金釘雲氣晴
浮瓦泉音晝入鈴香臺禽欲下講座虎曾聽海色連平
楚天光動落星契真洞名開窳窳洗鉢池名貯清冷田俯僧

衣碧峯交佛髻青何人崇象設多事鑿巖扃相好闕俱
足名言理亦冥唐燈懸古厂遼碣剔殘銘興發還紆策
幽尋更得亭拈毫逢邂逅隱几接芳馨遊許陪飛蓋才
真謝叩筵流連傳茗椀指點拓窗櫺歸路頻迴顧長吟
到薄暝題詩崔顥在勝地媿初經

扈

蹕自烟郊至白澗馬上大雪作

萬帳風聲夜沈寥五更寒動馬蹄驕行人衣上三河雪
吹過洶西尙未消

遊盤山古中盤作

紅闌略約鎖迴溪逕轉峯腰路忽迷多謝山靈看生客
松風扶我上丹梯

下盤直上接中盤夾路雲濤和響湍更向青龍橋畔望
銀宮珠闕半天看

如玦雙崖一面圍紅牆古院欵松扉上方已到雲深處
化作濛濛雨濕衣

翻身百尺俯崔嵬一笑投鞭躡碧苔我本江南老行脚
幾曾走馬看花來

題蔣心餘前輩歸舟安穩圖

傲裝春仲已秋仲卜宅洪州定蔣州七品便酬宦事了
半年重爲故人留文章館閣雙簪筆婦子江湖一釣舟
漫向昔賢論出處有誰白髮勸歸休

送費芸浦太守之官江南

野色開曾郭離棕托短筵崢嶸逢夏序蕭瑟望吳天客
緒歌驪外王程候雁先攬環重繾綣改席爲流連沼約
匳光動亭規織影懸扶枕攀樹出疊檻倚風便怕折婆
娑柳欣依的皜蓮鐺翻茶沸眼車載麴流涎漉藕堆盤

潔浮瓜沁齒鮮坐深花側帽起舞月垂弦河朔歡仍戀
江南夢忽牽握蘭辭楯立剖竹趁符傳嘶騎斜陽下征
衫古驛前合并期落寞夙昔話纏綿自昨同朝喜難忘
之子賢巾帽誇入雒冠蓋接游燕叔則行相照文昌走
欲顛雲司例名士棘院有新篇斷獄公羊妙譚經五鹿
真良潛棲藥省地近應珠躔一挈青綾被長趨白玉磚
崇朝催牘削隻日聽麻宣跡未承明厭文因上考填鳳
池如暫奪鶯谷已高遷出牧依江介雄藩跨海壖青山
供隱軾黃鳥勸行田邱吏驚朱綬邦人想翠旃二千太

守俸三十使君年壤况膏腴最疆惟緊望偏秋苗愁犢
賣夜杼祝龐眠偃草思除薤懷冰勵酌泉才知展騏驎
術詎化鷹鷂努力方行矣銷魂倍黯然番休同沐舍從
獵並吟羈放易搏沙散留非印雪堅千秋叨末契三宿
感深緣香火情終在萍蓬會莫愆何時共成佛此去儼
登仙明發杯空把今宵燭尙圓思君似流水相送潞河
船

題錢方壺先生照

先生學道人潛德契元想眷茲歲暮心陶勝亦獨往幽

蕤謝凋姿寒枿發新賞情同孤雲停抱見明月朗閒居
富珍旨坦步豁塵鞅履安托筇枝葆素懷鶴警時成白
雪謠興在青霞上應龍已騫霄老鳳不嬰網哲謨清斯
傳皓節貫無兩言偕鹿門隱自署五湖長天全適於物
性繕得所養瞻圖企芳綦風流式吾黨

題阮裴園先生勺湖草堂圖三十六韻

禮樂文翁室烟波范蠡船典型前輩在圖畫後人傳學
舍留初築儒林企大賢談經聞折鹿主席兆銜鱸絲竹
東山舊簪裾北闕聯常時依玉署幾歲步花磚自擁湘

江節來鳴魯國絃坐風親絳帳立雪慰青瑣奉使名無
敵思公涕尚漣詩因諗將母錄已就歸田別墅重開拓
行窩競接延湖吞三面濶城枕一隅偏路轉遮堤柳橋
平貼渚蓮雲扉容鶴守月幔狎鷗眠屋稱東西住籤羅
甲乙全證書排漆簡點易啟韋編社恰招吟侶星宜會
德躔援琴酬杜晦剪燭對彭宣言必衷諸聖人眞望若
仙斯文寄壇坫此地足林泉喜逮登龍客悲深集鵬年
壞垣秋雨後宿草夕陽邊共識亭林宅何慚有道阡門
徒肅瞻禮父老劇流連記昨河魚上曾逢岸蟻穿狂沙

痕界壁飄瓦漏當筵蹟以懷人著工仍計匠便爭看勤
粉堊不待率金錢太守停駢駱諸生抱槧鉛花明霞乍
起松老繖交圓釋菜春秋盛傳芭伏臘虔辦香同有託
樂石待深鐫想像鬚眉色清華水木綠亭臺原偶借陵
谷那愁遷大雅常憑此靈光獨巋然藏山問遺集還付
草堂箋

題阮吾山秋雨停樽圖

圓缸一穗影初銷聽徹寒更煞麗譙入夜鰈魚心耿耿
經秋別鶴路迢迢大官縹碧空今日中婦流黃尙此宵

不覺傷情對搖落淚痕和雨灑芭蕉

清樽雙影寫蛾眉愁說秦嘉上計時瑤醖滿浮親勸別
金罍獨酌寄相思拔釵迢遞虛前事破盃分明失後期
一卧長安念疇昔楚天如墨遠迷離

虛堂向夕掩重陰入手芳卮罷獨斟孔雀東南千里夢
牛衣風雨十年心閃燈窗眼來吳語落葉簷牙助越吟
贏得維摩太消瘦擁衾初覺二毛侵

滿紙西風挾雨聲董郎下筆勢縱橫寫來不學於菟派
對此彌增伉儷情金屋炷檀熏小像石函緡貝懺多生

織縑一樣人如玉還向樽前憶魏城

分賦得有竹莊送紀心齋先生南歸

石田老布衣名著高士錄當年翫遯占却薦適初服結
廬相城里人境闢巖谷募疏手寫成乞種萬竿竹生綃
搗烟霞賓履填戶軸至今想脩髯飄飄映餘綠如何塵
外蹤乃受畫壁辱無名掛官府彌見獨行躅先生早通
籍廿載寄朝祿出處跡雖歧風流趣堪續昨宵西塞夢
飛落橫塘曲上書乞身歸投老此卜築遙知琅玕林中
買數間屋閉門聽秋風蕭森憂寒玉通泉遠分篔簹笋

晚當肉道遙定長年先後儷清福應嗤都南濠但點讀書燭

題查恂叔所藏宋謝疊山橋亭卜卦硯

團湖坪前初潰師興亡一代由小兒年終三百豈待卜
謝公抱硯將奚爲草間流離意良苦躡屨麻衣問何所
橋下流水橋上亭猶剩趙家乾淨土鸛之鶴之活眼開
滴淚暗動孤臣哀區區可語只片石江南早信無人材
乙科射策經幾載國破家亡硯仍在可憐留草却聘書
義取天山遯無悔建昌質子本宋臣厚顏銘字悲遺民

不祥名姓竟誰是硯乎毋乃遭緇磷沉霾旣久水不齧
重洗泥沙刻年月流傳圭角尙宛然想見平生忠義骨
周生得之向客誇查侯一見爲咨嗟石交相期共終始
報以瓊玖情無差荒原車過思腹痛瘴雨蠻烟遠包送
採薇不食在此言一硯彌令世爭重嗚呼疊山大節匪
石堅月東佳話今同傳查侯什襲慎守旃此人此硯皆
千年

聽泉圖爲劍亭舅氏題

聞思了不礙禪心一道琤琮萬壑深耳畔似調絲竹肉

舌端能轉去來今忘機
喝處嫌多事離相聾時見寂音
試爲先生參活語水原無響更誰尋

賦得匠成翹秀

得多字

壬辰會試同考擬作

獨秀規嘉幹豐翹受氣和門高迴匠顧器利識工多合
豈煩繩削良真受琢磨材堪五鳳造載許萬牛過布畫
心懸矩呈圍手應柯連雲看大厦蔽日想中阿就範逢
般慶乘時謝薜蘿勉旃欽

睿訓殖學副經科

題李耘圃滇南遠行圖

一官注闕向蒙施如葉琴書壓擔隨雪裏驢鈴乘傳後
梅邊鳧鳥過家時廿年湖海吟身健萬里江山別路遲
天遣先生開眼界碧雞金馬要新詩

題周東谷聽泉圖卽送之官中州

秋林雨歇天如洗萬籟蕭森碧鸞尾嗒然磐石坐忘形
惟有斜陽對隱几棕履蕉衫動晚涼梧桐一葉下銀牀
琴材到眼意自足况伴綠綺攜荷囊知君松月無邊想
卧理眞看契幽賞好向蘇門聽百泉操絃一鼓羣山響

題牛師竹舍人小影

松風謾謾吹香徑幾曲沙籠碧浪淨石牀無客蘚花寒
啄木空山自相應舍人曉綴蛾眉斑下直歸來獨掩關
小橋流水淡秋色人與鷺鷥相伴閒膝前文度方韶齒
瑤珥瑜環美無比傳家知有經滿籛武庫春秋曲臺禮
城南讀書何足奇驥子汗血真男兒他年雛鳳清聲遠
早向圖中識衮師

賦得苦菜秀

薄言歌菜苦秀發滿原田滋味酸醎外冰霜閱歷先論
心偏集蓼剖蒻不輸蓮炎上生因火芬成告自天挑來

茶鼓後罇向稻畦邊藥待良言報葑苳下體捐回甘飴
可比補雅賈須箋膺膺沾

恩溥榮滋萬彙鮮

乙未新正三日蒙

恩召入

重華宮茶宴恭紀四律

蕊宮春宴啓芳朝

宣喚親承到九霄坐接夔龍行比鷺

自大學士舒赫德以下入宴者二十

人臣得與焉

吟賡枚馬續同貂閣中列度瞻周籍

時儒臣編次

天祿琳瑯因以命題聯句

天上重來聽舜韶

臣自去年至今已兩度蒙恩與宴

不分蓬萊初得

路

主恩稠疊冠詞僚

拂曉霓旌轉耀臺左廂重侍柏梁杯

是日臺宴賜外藩王公

回宮即命

宜入

毫宣玉案

天顏近牋遞花磚日影催

上首唱二律宣示羣臣屬和

樂奏三終

呈法曲詩成七步費清才自慙窘迫同臣朔也捧君王

賜硯回

蒙賜蕉葉石硯一方

籤題黃紙姓名香

寵賚頻頒出尚方清瀉玉壺盈沆瀣甘分寶榼綴餽餽

錦標萃古開珍秘

上閱石渠寶笈因賜入宴羣臣

芝朶迎年現

吉祥各

如意一枝

賜還許越窰攜翠色浴堂歸路滿輝光

時飲

三清茶以茶盞頒賜

先春苑柳弄輕妍柏子熏爐裊瑞烟令節在過元會後

奏篇今到

聖人前叨榮敢說緣稽古領職真思愧集賢從此酬知

更何地汗青努力檢瑤編

平定兩金川大功告成恭紀

七言古詩一百六十韻

維

天眷德

聖受命明堂執極臨樞璇寅承

謨

烈守兼創率履

王道游平平大濛卽敘越經宿蒲瀛葱巘羅瑋蟻濮鉛

祝栗訖

聲教矧有蠢類如獯狁金川阻絕當兩川谿幽箐密紛

鈎連西山八國押蕃砦黑子影落天之邊冉駝白狗或
餘種夜郎浮竹灰重然姜維城頭舊守捉十三部遠依
峨犍桑門職貢紀演化百眾狎恰隨幢前土官底簿關
族系塤黷茫昧同飛翽突施黃黑辨娑葛靡當大小分
旱并嗟哉人面畜以獸

幃覆久沐

恩膏偏三宣六慰鞏牙錯

王官受治無譙訐笮都耕鑿盡版籍蘖芽誰遣生螽蟻
郎卡促浸昔首覺恃險蘊毒潛吹扇豺聲蠡目跡始露

橙林棘路遭刊剝斯時澤旺聽穿鼻幽繫阿惡何孤孱
欲關呼籲達

天闕

赫斯一怒剛辰蠲孤豚出甯復汝土

恩逾肉骨蘇枯痛

黃鉞一下無處所褫斂悸魄行趨趨避塗扶服稽厥角
戴頭乞命祈哀憐好生

聖德並

天

地祝網蕩滌除污愆

詔書尺一下幕府旗門頓顙張降旛

皇仁寬大貫汝死期汝奉信綏疆埏豈知祝頂刻豁誓
兩面反覆甘欺謾虺心未化倚窟害鷹眼欲掣離絲縱
十年違順犯脣齒革布什咱驚爬揼綽斯甲布三雜谷
血口呀呷流腥涎碁分諸部各肝膽雞肋不敵方張拳
郎卡自斃剩遺育索諾木性彌梟鷁屯糞繕壁計持久
萬蟻一穴爭趨羶時聞竊出盜種落水火日夜相熬煎
聖心并包擴

天度謂是何足勞及鋌勤師遠涉非本願蠻觸之闕奚
誅焉未妨玉斧畫大渡漫事湟陘遮先零爰

咨量吏申約束祗令帖息歸牢圈籌邊闕外幸無事一
掌不塞流涓涓公然白晝跳踉舞磨牙談舌心無悛彼
僧格桑乃怨耦匪寇婚媾旋交忤西封規併鄂克什闡
達色拉圍其闡埋牲誦咒托修邈經歲屯結驅兇儂九
頭夜嘯虎生翼百足曉聚夔憐虻獠兒狂逞思反噬竟
奮螳臂當輪軸

聖人曰嘻汝逆豎敢負卵育忘生全豨虵肆食意無厭
坐格符檄如遺捐維州橋邊飲戎馬誰造此曲聲流傳
及今不翦坐滋蔓何以輯衆安閭編用兵事有不得已
魑魅可使民逢旃六師奉

辭伐有罪堂堂建燾朱旂纏

天戈所指撥蒙翳巴朗拉曲先摧騫達圍資哩以次定
披胷抉脅知膚瘡達烏烏徑正庠豁囊鼓遙應聲齧齧
由僧格宗破美諾半月直搗筇離莖狡童十步九顛蹶
喙走跣跣追飛鳶舊巢復掃布朗郭伏莽薙盡無藿蘿
羊腸詰曲穿美卧游魂假息還蝸跽促浸黨惡作逋藪

閉匿不聽長繩縶移師壓境剪角距雪山萬疊摩穹顛
噓空一昔起妖霧前茅失道功迴遘揚波書竹罪難罄
憤懣氣結均靈顛定西將軍印如斗有

詔阿桂釐中權師仍西路更南路副以明亮分雙甄蹙
騰健銳嫻步伐索倫精甲思張卷大旗獵獵車闐闐其
一敵萬徒七千將能將兵

帝將將敵愾壹意金同堅飲飛騎士會秦隴射生衙校
徵黔滇賜支子弟亦制挺宿飽踴躍攜屍銷重收趨拉
靖反側

握機鑿秉珠囊懸形殊主客佇猜阻拾枿果不煩按搗
谷噶風雷齊助陣緣溝一綫青裕裕五更軍聲鬧鵝鴨
踏雪直進花吹綿峭岬馬尼亦斗絕盾孔倏忽搖金蓮
卡卡角嶺斷行迹捫參歷井飛空仙賊鎗暗燄暗不發
蠶叢闢道晴刻驟峯尖蔽虧羅博瓦白羽沒筈開神淵
紛紜困獸短兵接躡徑肉薄靈姑奉先聲欲懾草木動
砮訇競走豐隆鞭連山零雨濕輜軫濯甲早挽銀河瀾
青泥盤盤暫休卒礮雲斷處晴光穿睢盱醜類尙死拒
危礪如織排崆峒師徒拗怒志吞賊願肉爲食皮爲韉

將軍驛奏稟

宸算絕微

坐照猶堂筵山川曲折運

神筆咫尺不爽呈幾先喇穆喇穆勢懸互西峯削肋難
梯縷鬼神無聲天宇黑半空突擊來題肩陸周日則擘
了口當喉一瞥金戈挺專車朽骸遂輦送模糊暗辨積
牙鬻劍鋒旁指默格爾榮噶敗籜隨風旋蹴康薩爾塌
重塹纔三晦朔衝發鍵木思工噶唾掌得跂跂脈脈窮
獠獠射沙躩踞防伺影遜克後路清藪淵攫身飛騰捷

超距昆色頃刻成焦燁拉枯真比科上槁落星如雨鉛
丸圓先時南軍北改旆宜喜奪隘乘機便日旁左右並
理鏟折箠甲索扔哇阡黃雲捲盡茹寨麥平坡一角開
原田貌貅萬竈夾水陣篳箝隱隱河西孺勒烏圍迺賊
右臂印籠高下通闔鄜意將堅壁支旦夕牆築羊馬濠
岫蜒抵瑕擊實用奇計樹柵百道臨河沿轉經樓接冷
角寺透渡無復划皮船鼃鼃暗踏橋柱圻臥波忽斷長
虹眠曳柴相排壓層礮布囊重疊量沙填霹靂裂地出
擊賊賊腦化作吹空烟月輪高高夜正午太白吐角垂

秋躔危窠瞬息付煨燼灌藜立散棲枝儻我師乘勝更
架入建瓴直走如奔泉三峯插霄亘西里雲根百丈都
盧緣索隆科布布魯木一一震懼踣而偵朗阿古則朗
噶克噶占首尾紛糾聯縱橫蹈藉無頓刃看取妖血銜
刀鮮雍中舍齊搜伏齧尻睢失據收衿咽青天白日不
照汝獠羝枉自祠神祆噶依圍暈合三匝常山蛇勢環
鞠卷河魚腹爛中自潰襁負屬道交躡躡母姑已作猿
在檻媿徒丐息芒生箔人熏鼠穴馬嚙尾喑汝殘喘安
能延羅罨高張飛走絕投奔不斷通宵雙獨松馬邦趁

節解幕危鼎沸誰援揮徇軍瞎千方殼鯨填隍智盛虛
誕譚孤雛本是砧俎物詎比肉袒還羊牽開門浦伏就
司敗兄弟扶曳偕拏遷擒生纍纍致戲下組以係頸索
以攀將軍磨盾草捷奏署日丙午書之牋上言一鼓下
逆壘洿瀦厥室夷爲暝仰遵

朝指布威信悉撫誘脅收鯨鱸下言執訊獲戎首盡族
無一逃箐筌軍資器械別簿上謹奉露布飛輶輶牙旗
票姚紅一點馳送八日來何遄遙通喜氣一萬里桃花
寺裏桃關前劃區別壤設鎮戍統帥管鑰持麾專角聲

皇朝集
和平吹落日營門擊櫜連疆幘巴歌渝舞大和會蘭干
細布輸寶錢蠻童高臥放牛馬燒畚到處催耕佃風雲
戰地一回首但見疊嶂青攬天恭惟五載紆

廟畫

宵旰織悉勞茵瑾

指揮貔虎一心力攀危涉岨忘胝胼軍儲轉運出

太府不破一秉民禾稍塗歌負戴樂和顧

慈膏稠渥安糜餐

德音念我士勤苦月請時復加廩廩三軍雷動如挾纊

髣漢感

澤詞謏譏春臺和氣滿春棧靈苗沃野春仟仟

雷霆雨露備溫肅坐決

長策符莛藁

武成震疊萬萬禩赫耀矧爽咸昭宣酬庸申

命史祝冊五等疏爵光貂蟬凌烟畫贊錫

奎翰如作彝鼎銘南緯

珠邱祇謁告

宗

祖仗引

御蓋擎鮮扁鸞旂在泮

聖見

聖萬舞有繹陳嘉籩迎

釐岱頂奉

安輦天門日觀祥雲駢凱歸夾路聽桐鼓正及照眼榴

花妍黃新莊南張

御幄杖杜

親勞王師還

午門立仗受俘馘以獻

廟

社儀文虔

徽稱臚慶崇

璽

牒朔曦會午輝芝樅禮成

頒制坐

前殿

恩浹海寓覃蠅娟辟靡豐碑屹丈五虬蟠鳳翥

篁村集
毫如椽磨崖

製作照荒裔永鎮龔俗丹青鐫羣臣晉頌

上功德敬奉

聖壽彌億年持盈保泰仰

冲旨猶凜夕惕朝乾乾小臣橐管職記注載

高遊

聖詞難詮萬分究一揆典實不數常武周詩篇

篁村集卷七

孫男成沅謹重刊

篁村集卷八

上海陸錫熊耳山撰

古今體詩五十八首

題韋約軒前輩秋林講易圖

秋光敞孤亭朝旭乍吞吐明湖倒影來浮動鵲山樹清
虛妙無言中有畫前趣先生擁韋編局奧抉沉痾如同
辟毘詔捧席升自阼鶴鳴和在陰絕學坐相付定看鐵
擿折何假金針度江河納羣流披豁捲雲霧自從王學
行清淡久馳驚九家盡湮埋百氏競喧嘩浸淫及圖書

往往失牴牾星盤並奔譜黑白體糾互嗟哉漢經師遺
文委蟬蠹我昨校中書蘭臺發縑素歸然中孚經一一
辨章句寒溫候風雨消息驗燠沍六日又七分卦氣理
可悟源流識焦京古義宜強附四正逮雜卦流轉四時
具卽以秋而論一氣一爻布候占立秋恒歸妹及寒露
公卿與大夫直事視此數儒林珍寸璧賴有康成註其
詞或怪迂其出非晚暮摩挲古敦彝當復勝康瓠徵君
白髮翁謂惠定宇先生掇拾蒐武庫捫成漢學書惜此目未遇
惟公徹天人萬象劇奔赴濫觴溯西京醇駁洞深故願

言從諸郎執卷請正誤更續紅豆編研朱爲公賦

集翁覃溪前輩小蓬萊閣賦宋蘇文忠公雪浪石

盆銘拓本卽次東坡雪浪石詩原韻

當年萬礮中山屯書生偶握軍符尊天吳劈浪露奇質
郡圃自剔苔花昏故鄉山水聊寓意豈知身墮枕榔村
離堆何處去無路空望璧月思端門流傳五十六驪顛
筆力欲返南遷魂小蓬萊閣懸舊拓厥狀圍轉尋無根
主人嗜古出新意裝背不留補綴痕居家大本定州刻
遺字同異嗟誰論銘中畫水之變蜀兩孫句集本蜀作
獨與不傳者歸九原句集本與不作

當世然此銘既東坡手書自當
無誤不知集本何以互異也
仇池蛾綠不復見劫火
零落高麗盆曲陽白石爾何幸獨賴銘文今尚存

題馮笥山菴湖秋泛圖

微茫塔影辨中流折葦飄蕩無限秋
愛看瑠璃三百頃不知風露滿船頭

穀紋不動鏡新揩銀漢無聲欲瀉懷
寄語綠蓑張處士雨湖爭比月湖佳

故園杞菊倚長鑱我亦曾題釣叟銜
他日吳淞買烟艇爲君先挂泖西帆

薛素素自寫小影爲陳伯恭編修題

倭墮新粧十樣眉洞簫嘹唳發聲遲
碧天無際東風軟不似金丸脫手時

鏡中鴻影畧徘徊露髻風鬟亦可哀
却悵圖成欠些子慧光寫不到靈臺

曲裏曾喧第五名由來才子悅傾城
如何敵帚軒中客不伴靈芸過一生

楚雲如夢玉如顏腸斷鴛鴦水一灣
知是多生能懺悔

焚香還貌落伽山
素素嘗畫水墨觀音甚工

張梅溪牧牛遺照其子西潭觀察屬題

喬柯八九株淺草三兩叢低坡接深畝宛轉藏牛宮爾
牛戴彎環非翬非觶犢馴性不待羈搖頭脫繯籠飲趨
綠潺湲臥藉青蒙茸曠野任所適無拘萬緣空誰歎跂
雙脚矍鑠霜髯翁蕭然塵外心愛此生機充原非扣角
叟不學跨背童相看憺忘歸日夕烟濛濛翁傳黃石書
鼓角轅門雄曾浮下瀨船早挂天山弓生逢太平時白
首嬉田農寓意寫此圖天游妙何窮軍中椎亦豪隴上
叱自工平生不畱物一笑將無同嗒焉存吾真拂絹懷

清風

買桐風雨卷爲張西潭觀察賦

碧桐如蓋搖濃陰蕭蕭槭槭含秋心數株離立傍巖屋
買時曾費千黃金黃金散盡還易得難覓琅玕高百尺
五柳休誇陶令家三槐却認王公宅寒濤打窗雨復風
吟牀襪被能相從將軍一去剩此樹卅年寂寞江之東
近聞第五橋邊路無恙繁枝撼烟霧影密全遮洗硯池
條低欲亞藏書庫湘南使君本鳳雛平生風木懷先廬
甘棠手植徧南服篋裏但鎖梧桐圖圖中葉葉流蒼翠

如見羲皇上人意名蹟方同北固庵舊聞待續南徐記
韋約軒前輩招遊怡園登四松亭賦贈二首

昔傍平津閣今開履道齋庭餘喬木在山對夕陽佳坐
臥宜~~其~~決高低稱筍鞵何妨短牆外車馬六條街

閱世蒼髯叟交柯蔭此亭闌干四圍碧衣袂十分青互
作盤虬勢攢成偃蓋形閒坊依白紙嘉植記圖經

兒子慶循將讀書永樂禪院因書韓文公符讀書

城南詩示之并次韻爲賦一篇以勗

爲學求放心吾聞諸子與引錐自刺股亦見長短書牛

毛與麟角古諺言非虛一簣基成功要在慎厥初世間
多英才徒步起里閭但憂不如人莫問人不如得比順
風隼失若沈沙魚丈夫志科名爲識原已疎况此復不
力昂藏委溝渠徒充噉芻牛何異餽糟豬鈍才可登仙
變化看靈蜍一爲宴安懷木腐生之蛆蹉跎在壯年歲
月忽不居人生過駒隙能弗猛省歟念汝幼失學腹笥
罕所儲世傳一籊經熟復尙有餘勉思魯得之勿效狂
也且家無負郭田想絕親耕鋤况乃行服賈風雪驅車
驢爲汝餽口謀詩書卽良畚汝祖課汝勤白髮臨堂除

遣汝遠遊學依依戀牽裙汝母畱望眼望汝有令譽可
憐見無期五年掩荒墟汝宜念此意晨昏自發舒磨礪
出巨璞求價方沽諸努力愛春華母爲更躊躇

鄭雲門編修屬題其祖中允君所藏

御賜新民硯

綠英一片松花水洮渚端溪妙難比佳璞千春蘊彩霞
良材萬里隨包匭巧匠當時初製成雲腴擲地發金聲
盤紋欲掉蒼龍尾密縷如含翠鶴睛

玉案前頭記親試中央琢出新民字五夜常欽被濯功

萬方共識陶成意筆格牙籤雲母屏鳳池波影漾金星
已看除授聯三友還被沾濡寫六經榮陽先生舊鰲直

白髮朝

天荷顏色

賜出欣叨內府珍攜歸雅稱儒臣職三復遺文大學篇
菑畚古訓藉良田雲臺授學爭聽講高密承家愛手箋
六十餘年誇盛事孫謀接武來中秘門內雕輪萬石榮
庭前喬木三槐苾祖德

朝恩奕葉光染毫重喜狂搖聞從知世業絲綸美長戴

天家雨露香

褚筠心學士席上同約軒中丞習庵中允作

虎山橋畔春如海寥落長安見一枝分付雲屏好防護
東風已到欲開時

疎影橫斜耐薄寒曲房重翦夜燈看人間誰是楊无咎
爲寫生綃配楚蘭

數朶天然稱意花越窑供養絕鉛華中丞白髮能憐惜
莫戀西湖處士家

江路迢迢夢隔年小窗一餉結清緣如何銅井花開夜

還兒亭亭玉井蓮

三月十五日雨

天際烏雲送暝歸捲簾喜對雨霏微離離漸濕花枝重
漠漠全欺柳絮飛湏急中宵人易醒泥深隔巷客應稀
故園綠漲魚苗水望斷南湖舊釣磯

題朱凝臺桐陰小影

心跡翛然境倍閒石牀細掃碧苔斑汪汪合對波千頃
不寫蒹葭水一灣

阿翁畫苑老名師珍重趨庭拂絹時漫向韓家認桐樹

丹山應是鳳雛枝

題張涵齋侍講得樹軒五首

無榭歌筵想寄園
破窗風雨剩茅軒
三間恰稱詩人住
穩著吟牀老樹根

白板雙扃院落閒
濃陰如繖鳥開關
檐頭但坐添新綠
遮斷城西一桁山

翛然筆格與琴囊
篋裏新抄種樹方
午睡乍醒來客少
滿林蜂蝶棗花香

綠雲深處樹層層
屋宇無多不用增
一事差堪高就直

炎天省却縛松棚

蒲褐山房冗寄廬
當年步履過從餘
泥中我亦留鴻爪

又讓吳郎隔巷居

得樹軒卽王蘭泉廷尉之蒲褐山房
冗寄廬予之舊宅今吳稷堂吉士所

居是也

立夏日齋中作

微疴阻歡游
淹暑息塵鞅
聊暢物外襟
偶契邱中想
韶景軌無停
炎曦轡將枉
紛葩謝高枝
密葉映疎幌
怡顏追風戀
流盼淡新賞
俯聆園禽音
坐悵隙駒往
懷鉛忝虛名
縻爵紆
夏獎感此節
序侵撫
悰愧疇曩願
言跂前

修令德敦所仰

哭宋小巖同年二首

愁紅滿地日斜曛
纔送春歸又哭君
半世功名過都鷁
十年心事出山雲
結交尙憶麻同直
薄宦空憐蕙自焚
想到丹鉛嘔肝地
玉樓應悔去修文

郡章解後意蹉跎
彈指青春一刹那
重覓巢痕資倍淺

長緣藥裹債仍多
望中弱息悲環珥
夢裏家山負薜蘿

太息齊年半零落
不須面皺說觀河

劉侍講亨地章運使棠及君皆與余

同生甲寅年
今先後辭世

三月二十七日同曹習庵中允吳稷堂吉士出游

右安門外歷普濟宮至豐臺王氏舊園而還二

首

如掌芳原接綺闌
游鞍輕穩不生塵
千林抱郭青初合
一水穿橋綠正勻
蛤吠空塘猶喚雨
蝶翻歸路欲畱人
賞心坐惜聯裾晚
已過東風袂袂辰

運浦西縈普濟宮
刹竿雙映夕霞紅
車聲更繞流泉外

帘影遙分密葉中
勝地樓臺數株柳
官闌鶯鴨一溪風

王氏園本元時
鶯鴨所故址也
何時捲盡菰蒲影
沿月重來放釣蓬

園今

歸多松亭學士改名清泛園
而水道尚缺疏濬故及之

四月朔日偕褚筠心學士張涵齋侍講吳白華庶

子曹習庵中允小集韋約軒前輩有椒書屋分

體得五言古詩一首

春風別經旬庭柯改深綠開樽命朋侶共訪讀書屋窗
楹忽披豁簾影闕籤軸了知位置殊爲藉往來熟離離
出椒叢千條壓牆曲乘時故張王問種辨吳蜀芬香慳
憑襟蕃衍遲盈菊名齋非譽樹托與偶草木長安盛游
讌漿藿餘酒肉欣此陶嘉辰蘭言謝喧俗檢畫借玉叉

評碁斂牙局明燈自升降吹竹徐斷續徘徊淹夕晷欲
去賞未足歸來搜枯腸嚙兔笑筆秃如題寄傲軒願附

李端叔

宋李之儀姑溪居士集有題韋
深道寄傲軒詩約軒遠祖也

四月初七日行常雩禮

上躬祀

園丘侍班恭紀

齋宮鐘動燭蕭明馳道宵扶

玉輦行

黃幄風高三仗肅

紫壇天近六符平中垣瑞靄占龍見下管清韶叶鳳鳴
親仰執圭朝

上帝

聖人感格爲蒼生

清秘堂齋宿作

玉堂本清迥矧此新雨餘好風振庭柯爽氣入綺疏齋
居鮮案牘時復繙我書萬籟寂無聲湛然契元虛方塘
活水來瀼瀼鳴階除闌干俯明鏡宛見游空魚夕陽在
高柳詩意忽起予夜涼還就枕有夢真華胥

送約軒前輩典試雲南二首

星使遙占向益州國門西去動驂騑廿年黃甲新衣鉢
萬里清風舊節樓烟外鳴笳逐鹿曉月中搖管碧鷄秋
行人幾輩承

臨遣領袖先煩第一流

隔巷招尋許共邀驪駒忽賦悵吾曹搏沙聚散蹤何定
量尺文章價自高蒙段生徒看押榜洱蒼山水待揮毫
更餘部曲黔南路千騎歡迎擁陌刀

蒙

恩賜蘭亭八柱帖恭紀二首

繭紙新從玉柱刊墨香拜捧出

金鑾唐摹倍覺鋒稜現宋揚應輸骨格完妙抵濶行分
甲乙訛同損本補林湍

龍騰鳳翥瞻

神筆好處方知恰到難

寶墨鐫華溯戲鴻誠懸能變晉人風手臨宜壓家奩重
曉論徒誇祖石工貞觀名珍虞合瑞雲間遺蹟楚還弓
姜評桑考多皮相喜荷

天題爲折衷

西苑退直遇雨

風定樹頭直烟沈雨脚低流鶯歡坐葉舞蝶倦沾泥吟
趣生簪筆豐徵入叱犁回看萬楊柳濕遍苑墻西

攜二子遊廬山圖爲蔣心餘前輩題

十年前喚潯陽渡一塔西林指烟霧脚躡手板苦匆匆
翠壁丹梯去無路歸來夢寐思匡君今吾欲往嗟離羣
豈知先生懷袖裏滿貯九疊屏風雲雲開忽瀉明河水
濕透濛濛行看子風帆沙鳥極望遙蓮宇霞城半空起

籃輿直上窺清冷二子拊節來同聽玉龍昂首走深澗
歛八筆底爭雷霆江頭瀟瀟打篷雨酒醒巖城歇街鼓
山靈定愛瓊琚詞故弄陰晴博奇語蘭亭會上無獻之
酌泉空挈睂山兒寥寥千載數風雅倡和誰得家庭師
昨朝捲圖邀我賦一月沉吟不成句中息壤久負慙
畫裏浮嵐但相妬桑喬舊乘失討搜白牛翁作靈光畱
宋陳舜俞廬山記久失泚毫待續名山註請爲先生紀
傳近得之永樂大典中此遊

題沈心齋太守出山圖卽送之官泰安

揮手江頭餞別筵數峯如黛夕陽邊風流五馬朝天
去不趁東吳萬里船

父老當年截鐙畱東方重喜領諸侯文翁石室知無恙
更向丹青認益州

吳門匹練望中分按部新摩薛碣文好待崇朝徧霖雨
使君真是出山雲

題舒謹齋郎中課兒圖

海幢寺裏隨飛蓋彈指流光已十年重對朱顏似疇昔
春風愧我欲華顛

官舍蕭然絕點氛書聲翻水晝常聞當年父老褰帷看
曾識郎君似使君

甘棠手種滿天涯松菊歸來感歲華知有世傳喬木在
好憑桐樹認韓家

湛如秋水翦雙瞳蠟鳳今能慰乃翁漫憶丹山畫中意
膝前仍有顧非熊

將遣兒子南還而行期未定中宵感坐觸緒成咏

情見乎辭

倣裝幾度未成行去住俱關父子情出贅知余貧可念

潛修期汝學粗成八州督豈存賒願五嶽遊終負夙盟
何日得酬婚宦了故園歸臥穩柴荆

朔風如翦透書帷五夜迴腸只自知不是有金揮易盡
劇憐無米巧難炊鋪簷下眼生誰慣問舍求田悔我遲
慚讀笙詩第二首敢將十口怨朝飢

庚子元旦

太和殿早朝侍班恭紀

元朔衣冠拜紫宸乾隆四十五年春筴增

萬歲天開子占協三登日次辰索扇乍迴臨法仗鳴鞘

徐動引仙鈞樓頭丹鳳銜書下始布陽和遍海垠是日

萬壽
恩詔

吳香亭同年招集引藤書屋屬題古藤詩思圖用

李西涯學士栢詩韻

錦幕翠帷亭四匝濃陰白日含涼颭古蔓詩翁尙護持
新芽俗客誰譏狎此翁此藤將百年藤今漸老秃至肩
人間斧斤傳舍厄天上雨露春風權梢月籠烟還競爽
吳公會作藤花長蝶翅尋香抱蕊回虬鬚放影干霄上
明窗筆格畫喜拈曲巷高軒日爭枉仰面驚看繡纈垂

攀條空憶瓊琚響吳公風雅如王公移根近到橫街東
編援縛架兩經夏封殖又見蟠蛟龍却從陳跡出新話
如別父老攜兒童長安花信萬瓔珞嗟此兩本名無窮
海波書屋堪鼎足圖經爲汝傳清風

約軒前輩聽雨樓新居次施耦堂侍御韻二首

蘧廬是處足比隣莫憚移居轉磨頰燕子乍歸連巷雨
海棠如待滿闌春琴牀靜狎支離叟茶臼清宜澹蕩人
獨媿官園窮菜戶欲書宅券尙無因余所僦官菜園屋
近苦頽敝欲移居
而未
能也

鋤花貼石遲幽攀買斷名區偶得閑沒骨數藜開院本
磬頭幾點當家山攤書合訂千秋業聽鼓仍趨隻日班
更出雄篇驚坐客使旌新拂碧鷄還

武昌閔上舍貞自追摹其二親像爲薦食圖同人

各爲題句余亦賦五言一首

閔子親早逝餘哀抱纏綿樂樂踏風雪感激麻衣篇音
容墮渺茫有夢不到泉身隨日月邁恨托丹青宜沈思
動鬼神上訴冥漠天黎邱匪貌幻虎賁竟神全閉門急
追摹恍惚孩提前遂起九原魂倏現三毫顛圖成儼白

髮竝坐臨堂筵斑爛子婦服駢立童孫肩晨昏喚翁姥
上食羅嘉籩願將無盡慕誓畢兒生年請看墨模糊中
有血淚漣昨來發遊興偶別東臯阡琉璃五寸匣臥起
肯暫捐客中感寒食銜紙飛烏鳶棠梨落空山歸夢忽
已牽捧圖邀我題欲語先潛然我詩如里飲好付風人
傳因君書孝史爲我叅畫禪

題歸航圖送吾山侍御假歸淮陰

驄馬嘶風惜別筵水郵迢遞指淮孺行人莫作端公看
只似當年入洛船

觚稜曉夢落烟嵐藥樹初辭隻日參穩臥孤篷聽春雨
杏花時節到江南

抽帆新水滿柴門鄰里壺觴競過存最喜君家老同叔
白頭相對話田園

恭和

御製經筵畢文淵閣賜茶元韻

慶霄璇榜望嵯峩目較崇文倍幾何

當展

奎章懸日麗

於閣中

御製文淵閣記勒寶展之上

署函雲朶燦星羅

書函皆標列書名按架環貯

托根幸比書庭草挹潤同叨學海波典

校十年欽

聖訓掃塵彌覺媿承訛

篁村集卷八

卷八

孫男成沅謹重刊

篁村集卷九

上海陸錫熊耳山撰

古今體詩四十八首

辛丑正月四日齋宿光祿署作

茶釅香濃睡未成東華嚴柝報初更春遲尙緩尋梅約
夜靜惟喧爆竹聲三百旬齋逢首度二千石俸愧諸卿
泰壇綠酎勤蠲潔受福同民識

睿情

上躬祀

祈穀壇

光祿例供

福酒

正月五日

太廟省牲恭紀

列柏青葱擁

廟門漸看鴉背上朝暾

闕宮有事春當孟祝策無文禮溯原墻屋馨升陽欲達
罽思風動氣初溫麗牲省鑊司存在喜奉明禋效駿奔

正月七日

聖駕宿齋宮先謁

皇乾殿侍班恭紀

鷄籌絡繹聽傳宣雙鳳扶輿下日邊誅蕩門開九條陌

籠葱樹擁萬家烟鐘聲曉度芝房肅雪色晴浮綵仗鮮
仰見

至尊親望拜祠官鵠立侍

皇乾

正月八日上辛陪祀

祈穀壇禮成恭紀

青陽玉葉

祈穀壇覆以翡翠瓦其名曰青陽玉葉麗層霄

帝座中壇陟降遙兆應金穰符穀日時乘木德啟春朝
繁星向曉光臨幄雅籥迎和韻叶韶定識屢豐邀

聖感歡聲長送入幽謠

正月九日蒙

恩召入

重華宮茶宴以快雪堂帖命題聯句卽席恭和

御製元韻二首

祈穀剛欣穀日符吟賡寶墨逮朝儒亭如喜雨徵時泰

前歲命建快雪堂於瀛臺爲廊以魏帖石甫落成而元旦瑞雪告慶去冬又疊降時玉兆協屢豐恭讀

御製記文仰見聖主省歲勤民至意館比停雲擷話腴摹本稀來增

市估充庭陳處荷

天俞帖爲原任閩督楊景素所購進殊珍畢竟歸

東觀呵護流傳有以夫

告稔祥開太乙宮鐫華長狷液池東六花簾額光猶滿

片玉廊腰樣許同名信實賓徵厥應材逢時顯有其終

拈題不獨臨池賞薄海耕犁感

聖衷

同年公讌於邵香渚給諫宅卽席口號一首

爐香攜乍九霄回是日蒙重華宮曲宴恩與仙咏霓裳又共陪

中歲交游感絲竹先春勝賞會樽罍驚鴻南國歡仍戀

時奏吳策馬西州恨莫裁謂辛巳三座主却喜故人多有子瓊
伶雜劇枝照座謝家才蔣秦樹沈朗峰諸郎君時俱在坐

十一日復集香渚給諫宅偕孫補山中丞用前韻

東曹習庵宮允

作戲逢場又一回笙歌隊裏許攀陪攜燈未遣停金縷
改席重教洗玉壘今夕花枝人共賞誰家綵勝手親裁
是日如何風月平章地閉閣空閒吐鳳才

十三日和補山醉歸惘然有感賦東習庵之作三

疊前韻

探花曾向曲江回習庵於戊戌冬由秦中至京師高詠何人捉扇陪要

遣詩情消玉塵憑將春色泥金壘接羅狂任山公倒窄

袖輕宜定子裁博得游仙新句好曹唐本自擅清才習庵

近有游仙詩極工

習庵以詩招同人小飲四疊前韻奉答

折簡傳箋日幾回歡場是處盡追陪那知東閣梅盈盎
又稱南船酒拍壘澹蕩春歸寒尙勒團團月好樣誰裁
他時不速還應到占象宜勞問蜀才

十四日汪雲壑修撰讌席補山遇雨未赴作詩以

東習庵余亦繼和五疊前韻

兩地徵歌未擬回東隣我亦座間陪習庵先赴雲壑之約復借予同飲吳

澹人銀臺宅熊魚合妬兼嘗鼎燈月難忘獨酌壘見慣司空

腸慢斷吟成小吏牘頻裁空花一笑參真諦莫倚當筵

刻燭才

和補山促習庵和章之作六疊前韻

言詩賜敢望顏回牛耳騷壇總後陪作氣肯容堅壁壘

取材原不棄瓶壘兩公屢壘予所倡原韻草同盾鼻誇神速字對

春坊費巧裁十吏傳鈔但驚愧筆花我已盡江才

十七日補山招同人集百一山房七疊前韻

一番風信落燈回隔巷相呼步履陪近局仍開聯舊雨

在座皆去冬消寒會中客歡場頻醉怕深壘花評杜曲情聊遣習庵

出示咏花新什石譜仇池句好裁補山蓄奇石甚富邀同人作詩襍被更懷馮

奉世明光起草仗通才時馮星實鴻臚以圍直未至

張涵虛侍講久不作詩一夕和壘字韻詩成七章

詞旨兼美走筆奉答八疊前韻

驚見詞瀾大海回興酣定有鬼神陪巧緣難發方穿札

勇比連浮必盡壘七首塗鴉慙率意余亦先成壘韻七首三家倚

馬競清裁補山習庵俱以工速擅長君詩一出足鼎立爲三矣我盈彼竭原良策
解用奇兵却霸才

十九日家礮士少詹招同人飲陳伯恭編修宅余
以事未赴九疊前韻

繫住斑騅未放回畫闌燈火費招陪應官慣聽蘭臺鼓
卜夜空閒綺席疊明月三分盡情照雲箋幾幅稱心裁
自知鏤管拋來久老不中書本棄才

二十日褚筠心學士宅讌集十疊前韻

寶山誰肯手空回舞罷楊枝密席陪夜到三更頻跋燭

酒行百罰互飛壘長筵只當紅裙飲輕服應催白氎裁
車子一時誇薛放風流終讓鄴中才

時習庵卽席先成詩

禊墨齋羣花盛放習庵有詩次韻奉和

雲舒霞卷泥熏爐禊墨春齋卽嶠壺莫爲麻姑想仙爪
蔡經今不住東吳

銀燭燒殘夜到明桃源一水隔盈盈當筵未得餐蛾綠
常媿頭銜是飽卿

粧成半面影婷婷瘦損春枝倚畫屏猶有元都觀中樹
落紅寂寞付花丁

簾額重重曙色侵年時促席後堂深珊瑚網底無消息
愁絕連成海上岑

恭和

御製春仲經筵元韻

地接東華開

講幄班齊北面引朝裾傳心大義欽

垂訓崇政虛文陋說書一矩道均符立極萬方利溥慶

安居

時進講大學此之謂絜矩之道周易乾始能以美利利天下不言所利大矣哉皋惟賡拜

參知唯進讀勤猶

念起予

恭和

御製經筵畢文淵閣賜茶作元韻

御爐香裊書初展延閣春生

輦乍移樞列高低環座密

文淵閣上下俱環列書架茵敷左右押

班遲

鴻臚官引侍分東西兩班入

講諸臣賜茶少蓬預直慙稽古宋秘書監

有大蓬少蓬之稱臣蒙

事即係仿宋制所設新銜殊為榮幸中簿勤編勵省

私臣等奉

命纂輯四庫全書總目現在編次成帙敢說文章能報國勉思蕝

業答

昌期

題馮星實同年潞河督運圖

大司農丞職輓輸治粟使者分秦符行河都水川澤虞
督運典午無差殊唐家水陸經川塗陝州迢遞三門孤
真揚楚泗何曲紆草草宋計非良謨秘書太史郭大夫
昔導水脈京東隅新河通惠接直沽雲帆粳稻來東吳
連厥邸閣交撐扶倉場署建宣德初度支長貳頭銜俱
坐糧

昭代慎國需望郎豸史持其樞天津北上銜尾艦排網
催遞諸州租壩分土石齊合繻輸場閱納紛揚掄斗斛
龠合無失逋正兌絡繹供

神都沿洄四插鏡面鋪大通雇載聯輶鞫其它改兌祿
廩須受之通潞州南郭柳枝插水防填淤划船如飛獨
木剝泉麻緝囊疊項趺轉般羣聚沙中鳧來牟額送兼
黍稌亦有戎菽支薪芻六千九百數不逾稽臣護漕恭
成模大馮君乘使者車明光暫輟舍香趨目營手畫妙
櫛梳井井朗若田分區並施威愛調密疏粟無積墁丁
無劬兩年歸報

帝所俞前政未有馮君如大光樓前眺平蕪畫簾曲几
時嬉娛京江江萱寫此圖細入毫末窮錙銖綠楊捎空
一萬株柁樓高下攢檣烏中流官舫紅瓊璣唱籌彷彿
聞傳呼波光渺渺拍太虛中有惠澤濃於酥詩情滿紙
不可摹麗譙回望烟模糊使君家世本大儒桐花丹山
出鳳雛當年司寇司漕儲釐奸剔蠹民來蘇東南父老
感入膚施及孫子登天衢君今行省臨匡廬金倉判案
煩墨朱三司領使古有諸佇召計相光遷除公侯復始
語豈誣志載食貨書河渠裴休杜佑君其徒

兒子慶堯將從其婦翁星實方伯於江西藩署以

詩送之

十八年來寸步隨臨行牽袂涕交頤姓名畧識仍荒廢
乳保纔辭便別離子壯家貧難作計感存懷沒倍增悲
婦翁最有冰清譽好去周旋得汝師

平生拙宦未言寒婚嫁中年欲了難腰腹看渠俄長大
鬢鬚顧我但辛酸乍經鞍馬心教細莫負江山眼放寬
頭白重闈苦垂望勉旃進學勸加餐

汝兒歸計已蹉跎其奈重添別緒何誰信兒曹催我老

獨慙身世累人多白華甘旨供還缺黃浦風濤夢易訛
轉側中宵不成寐步檐還起看星河

猶有童心未發蒙深愁折几負家風文章要解揣摩力
氣質全憑變化功請業少儀循象勺出門壯志勵桑蓬
為山覆簣須勤省嬾散休教似乃翁

恭和

御製經筵畢文淵閣賜宴以四庫全書第一部告成度
閣內用

幸翰林院例得近體四律首章卽疊去歲詩韻元韻

冊府觀成雲並爛瓊筵洽惠仗初移近

光人仰

持衡正

臣等編纂全書折衷考訂皆蒙隨時
訓示仰稟 睿裁得以恪共將事 荷

獎彌慙掃葉遲鄴架插分層上下

經史子集於閣上
下列架次第分貯 蜀

牋寫滙本官私

凡官版官修各書及直省督撫所採藏
書家所獻者各依四庫門類分編悉著

於錄花甄瑞草縈書帶日麗奎躔恰應期月令仲春之
月日在奎

璇題雲構信佳哉曾

勅句吳寫樣來

文淵閣鼎建特令浙江圖進
波范氏天一閣之式因依其制 衮鉞

天施形畢照

諸書進 御多蒙 定論今並恭錄冠於卷首
醇疵承昭 御題詩文區別

淄澠派別目咸該四庫各分門駁文特訂崇

真鑑諸書中持論駁謬如葉隆禮契丹國志斷簡重蒐

惜棄材永樂大典內不經見之書為原本分韻所覺世

聖心期見道可容側艷濫觴陪集部中纖仄詩詞及青

聖訓刪除

以崇正軌祥開紉縵喜來歌縹軸牙籤列宿羅借許一綆還有副

四庫各書俱藏其副於翰林院承積餘羣玉况其他真

學之士有願就讀及借抄者聽命撰次總目錄序十一篇

啣曾鞏徒勞爾宋曾鞏校史館書僅成目錄序十一篇

指示體例編成二百卷欲傲黃香得見麼漢黃香詔

遭際之隆實遠勝於鞏

未見書侈為盛事今臣等叨與編摩得盡窺快對藜光

秘冊卷帙精博斷非東漢所能企及萬一也

燭霄漢蓬山淑景倍融和

恩沾瀛沼分天酒香裊芸厨候曉籌海內圖書觀止矣

人間褒博到能不羸三萬冊尋源貫全書凡三括四千

年紀代悠自唐虞以至國朝各書還向集賢增典故

署名榮忝簡端留臣等奉命撰擬諸書卷首提

恭和 御製仲春經筵有述元韻 文華

講幄啟韶春

論闡精微懋典循孔性高深符樂壽臬謨哲惠廸臣民
六經傳註言衷

聖萬世

君師統備身天道與聞欽

至教拜賡竊幸見知真

癸卯新正蒙

恩召入

重華宮茶宴以職官表命題聯句卽席恭和

御製元韻二首

鴛班鷺序慶師師六典參稽古是資體仿旁行宜作譜
制超歷代倍

勤諮開元格令編沿革長水官儀慎職司自奉折中欽
聖訓千秋金鑑凜深思

謨誥昭垂廸厥官成書勒定永無刊治尊

威柄前疇匹義貫睢麟昔所難

嘉宴左廂欣授簡頻年東觀愧分餐編摩幸得窺

天藻葳業勤思敢自寬

恭和

御製降旨全免甘肅歷年緩征積欠詩以誌事元韻
蠲符載

恩言萬里徧雨露絲毫皆正供普免及正賦因緣充吏
橐嚴創理則固瘠磽

軫民力積負矧有故此間忍追呼

惻怛意咸諭

聖人照無私威愛因物付於下苟有益損上宜所慮培
根在沃膏不但去其蠹勗哉守土臣覆轍免前誤

恭和

御製彙萬總春之廟成因題句元韻

春光閭苑問誰司像設規摩偶肖之秩視山川同受職
名標紅紫各知時歡迎仗鼓開逾密香浥宮幡護莫遲
催得萬花齊候

駕不嫌風信過辛夷

恭和

御製戒得堂東望元韻

夕照穿林石磴斜虛牕拓處少攔遮城依

帝座星辰近地闢仙居水木華清梵欲流魚送響纖塵
不到馬停擗好山似識

宸襟樂故向寥天散綺霞

恭和

御製題佩文詩注元韻

字排珠顆貫離離小本巾箱慣

手披民物

關心聊寄耳雲山經用只如茲七音入律脣喉齒萬派
同源賦頌詩別有鑪錘叅造化箇中消息

聖人知

恭和

御製幸避暑山莊卽事得句元韻

諏辰早協鳴鑾吉就日情殷屈指輪

詔已三霄敷

渥澤逾仍七頓奉

安巡天臨華蓋

行彌健雨灑桑田景倍真不獨近

光歡赤縣遙知後望滿邠人

恭和

御製密雲道中作元韻

良苗被隴翠初披沃野羣欣物土宜水健于龍喧夕漲
山圍如玦吐朝曦麻徵雨若還場若

德教匡之更直之名郡恰符安樂義

密雲在隋為安樂郡地

千村

烟火慶

清時

恭和

御製出古北口詠事元韻

迺戍鳴笳彼一時八荒戶闔仰今茲林中細繞千盤坂

雲際平開九達達此地置郵通塞甸何人過嶺動鄉思

宋王曾封事謂古北口東出盤道數層俗名思鄉嶺蓋當時視為極邊之地行者憚於登陟故有此名今則中外一家往來久成孔道每歲駐蹕熱河閣匪驛章及朝觀者皆從此前途蕩平同軌實非唐宋所能企及萬一最曠飲馬長城窟曉論流傳樂府詩也

恭和

御製至避暑山莊卽事得句元韻

砥平馳道接天門咫尺蓬壺上曉暎絃誦諸生同魯國

熱河新建黌序入學歲有定額每逢幸學臣率諸生道左恭迎彬雅可觀人文蔚起

聖駕臨

輿圖

九域愧王存前經命儒臣輯成熱河志考據精詳皆王存九域志所未及也吉祥光
擁

如來佛繼述功垂

有道孫長頌那居拜王會年年玉帛奉堅昆

恭和

御製永佑寺瞻禮元韻

顯承

謨

烈

兩朝同繼序

心傳凜在躬原廟衣冠懷

禹蹟康衢耕鑿戴

堯風滌洄武水源長抱葱鬱高山氣自通計日豐京莅

清蹕神霄

陟降感

皇衷

寄孫春臺方伯

結交曾記聖湖旁廿載鬚眉盡老蒼塞北行圍共刀筆

黔南按部各風霜襟期投漆心千古聚散搏沙天一方
莫怪年來少書札故人知我懶稽康

傳聞知己鬢添星萬里巖疆重翰屏劉相轉輸優國計
曹侯清靜載民宐犴獍競喜迎麾節頗牧真煩輟

禁庭南顧定應資坐鎮朝

天車馬暫教停

寄費芸浦方伯


南行節使動驂騮天末相思又暮秋萬里傳書勞問訊
幾時過

關盼勾留春隨按部三層蓋月滿籌邊百尺樓賴有交
期素心在益州那復異并州

巖疆半壁倚毗隆妮隊轅門鼓角雄地控交黔民氣古
職兼鹽鉄使銜同樞庭筆札推先輩幕府功名付鉅公
尙憶盤山看花騎前塵回首太怱怱

篁村集卷九

孫男成沅謹重刊



Blank vertical columns for text, typical of a traditional Japanese book layout. The columns are separated by thin vertical lines and are currently empty.

